



Pensyarah FBMK UPM Terima Anugerah Mauritius



Menteri Pendidikan Mauritius, Dr. Vasant (kiri) menyampaikan anugerah 'Mauritius Achievement Award' kepada Dr. Param (kanan).

MAURITIUS, 27 Nov – Pensyarah Fakulti Bahasa Moden dan Komunikasi (FBMK) Universiti Putra Malaysia (UPM), Dr. Paramasivam Muthusamy dikurniakan anugerah 'Mauritius Achievement Award' melalui penghasilan buku bertajuk 'Mauritius Tamils : Language-Culture-Society'.

Anugerah itu disampaikan oleh Menteri Pendidikan dan Pembangunan Manusia, Mauritius, Dr. Vasant Kumar Bunwaree di Indira Gandhi Centre.

Buku mengenai bahasa dan budaya masyarakat Tamil Mauritius setebal 120 halaman itu dihasilkan melalui penyelidikan selama 15 tahun.



Perdana Menteri Mauritius, Dr. Navinchandra Ramgoolam (kiri) mengiktiraf hasil penulisan Dr. Param (kanan).

"Keinginan saya mengetahui adanya bangsa Tamil di Mauritius, Fiji dan Afrika Selatan merangsang usaha penyelidikan ini. Hasil lawatan ke Mauritius sebanyak 20 kali menyebabkan saya ingin membuat kajian gaya hidup dan sosiolinguistik masyarakat Tamil di Mauritius.

"Penyelidikan ini diperoleh dengan perhubungan yang terjalin dengan pelbagai persatuan di Mauritius seperti Liga Tamil, pertubuhan pendidikan, sekolah-sekolah, institusi pengajian tinggi, persatuan kebudayaan dan beberapa buah keluarga di Mauritius," katanya.

Majlis dihadiri lebih 300 tetamu termasuk 82 delegasi dari Malaysia yang terdiri daripada pelajar UPM.

Berita asal oleh Dr. Paramasivam Muthusamy 012-3144600 dan disunting oleh Seksyen Media, Bahagian Komunikasi Korporat, UPM Serdang.

Hak Cipta Terpelihara 2007
Universiti Putra Malaysia